

Comité Drents op Stee

An de raoden en de colleges van B&W van de Drentse gemientes

Geachte raod, geacht college,

In de de nacht van 20 op 21 febrewaori hef **Drents op Stee** in een koppel dörpen in Drenthe de plaotsnaomborden verbeterd.

Aans as aandere jaoren dus niet in meert. Om reden dat 21 febrewaori de Internationale Dag van de Moedertaol is. Dizze UNESCO-dag stiet in het teken van de taolkundige en culturele diversiteit en de meertaoligheid. Veur de UNESCO bent taolen het instrument om het culturele arfgoed limtig te holden. Door de moedertaol in ere te holden, blef de taolkundige en culturele traditie bestaon.

Daorbij is op 10 oktober het convenant sleuten tussen het Riek en de Nedersaksische provincies waarin het Nedersaksisch nadrukkelijk erkend wordt as een volweerdige taol!

Om dat maor ies groots te vieren hef Drents op Stee in alle gemientes in Drenthe van ien plaots dizze nacht twee plaotsnaomborden tweitaolig maakt.

En dat bent dizze:

Roden/Roon, Ter Aard/Traord, Hooghalen/Haolen, Geeuwenbrug/De Gowe, Meppel/Möppelt, Ruinen/Rune, Stuifzand/Stoefzaand, Oosterhesselen/Hesseln, Nieuw-Dordrecht/Nei-Dordt, Nieuw-Buinen/Bunermond, Rolde/Raol, Zuidlaren/Zuudlaoren.

En daormet wil Drents op Stee de gemientes vanneis oproepen om nou meer wark te maken van het Drents in de openbaore ruimte. En daormet der veur zörgen gaot dat het veurbeeld van Noordenveld met **Nieuw-Roden/Nei-Roon** naovolging kreg! Want met Nei-Roon is Drents op Stee slim wies!

Daorum heb we veur je de volgende vraogen:

1. Bi-j wies met oeze streektaol?
2. Zo wies daj concreet stappen zetten wilt om der veur te zörgen dat die prachtige Drentse plaotsnamen ok zichtbaor wordt?
3. Zörg je derveur daj in 2019 in overleg gaot met verenigings van Dorpsbelangen en historische verenigings om te bekieken wat oj der an doen kunt?
4. Hej nog aandere ideeën dan het verbeteren van de plaotsnaomborden om de streektaol meer zichtbaor te maken in de openbaore ruimte?

Op 31 mei 2018 is in Grol de rotonde Crossraod Blues onthuld. H. Brink, gedippeteerde, hef bij de gelegenheid zegd dat 'de historie van Drenthe meer zichtbaar moet worden gemaakt'. Mag zien toezegging je anfiatern zukswat ok veur de Drèentse taol te regeln!

We heurt geern van je. Ie kunt je reactie mailen naor

End meert informeert we de pers en via de sociale media het volk in Drenthe over de antwoorden die we binnen kriegt. Vandaor daw geern joen antwoord hebt veur 1 april!

Met vriendelijke groeten en hoogachting,
Drents op Stee

Naoschrift:

Lichtkaans vraog ie oe of waarom wij anoniem bent. Niet omdat wij oes schaomt veur oes wark –juust niet! - maor omdaw de taol de andacht gunt en niet oeszölf!

Eerder wark van Drents op stee:

Al vief maol eerder heb we plaatsnaamborden verbeterd: 2014 Grol, Örvelt en Dwingel, in 2015 Slien, De Wiek, Grol (weer), Oring en Langel, 2016 De Smilde, Börk, Exel en Bunen, in 2017 Rowol, Wiester, Zweel en Ieghaor en in 2018, Wespert, Wisp en Hieken.

